



Indgået

17 MAR. 2017

NAMMINERSORLUTIK OQARTUSSAT
GRØNLANDS SELVSTYRE
INATSISARTUT ALLATTOQARFIAT
BUREAU FOR INATSISARTUT
BOX 1060 - 3900 NUUK

Villy Olsvig
Inatsisartunut ilaasortaq, Inuit Ataqaqigiit

**Inatsisartut aningaasanut inatsisikkut illoqarfikkaartumik sanaartornermut
aningaasaliisimanerat pillugu § 37 nr. 2017-120-imut akissut**

Asasara Villy Olsvig,

Inatsisartut suleriaasianni § 37 naapertorlugu Naalakkersuisunut ima
apeqquteqarsimavutit: **Ukiuni kingullerni 15-nini illoqarfikkaartumik inatsisartut
aningaasanut inatsisikkut sanaartornikkut aningaasaliisarsimanerat qanoq
isikkoqarpa?** Apeqqut uannut akisassanngortinneqarpoq.

Brevdato: 16-03-2017
Sags nr. 2017 - 5583
Akt id. 4720845
Journalnr.:35.10.01
P. O. Box 1037
3900 Nuuk
Tel. (+299) 34 50 00
Fax (+299) 34 63 50
E-mail: oed@nanoq.gl
www.naalakkersuisut.gl

Akissut:

Ukiuortumik aningaasanut inatsisissatut siunnersuummut oqaaseqaatini
sanaartugassat illoqarfinnut agguataakkat takussutissartaat nalinginnaasumik
aningaasanut inatsisissatut siunnersuummut ilanngunneqartarput. Takussutissaq
aningaasanut inatsisini akuersissutigineqarsimasuni aamma ilanngunneqartarpoq.
Aningaasanut inatsisissatut siunnersuutit aningaasanullu inatsisit elektroniskiusut
Naalakkersuisut nittartagaanni takuneqarsinnaapput. Nittartagaq:
<http://naalakkersuisut.gl/kl-GL/Naalakkersuisut/Naalakkersuisoqarfii/Finans-Skatter/Finanslov> (kalaallisut) imaluunniit
<http://naalakkersuisut.gl/da/Naalakkersuisut/Departementer/Finans-Skatter/Finanslov>
(qallunaatut). Sanaartugassat pillugit takussutissap imarai illoqarfinni taakkunungalu
atasuni nunaqarfinni sanaartugassanut aningaasaliissutit.

Aningaasanut inatsit akuerineqareeraangat ukiup aningaasaliiffiusup ingerlanerani
ilassutitut aningaasaliisoqartarpoq. Aningaasaliinerit taakku ukiuortumik ilassutitut
aningaasaliissutitut siunnersuummi ilaasarput.

Ilanngullugu eqqaassavara, sanaartornermut aningaasaliissutit amerlanersaat,
Inatsisartunit akuersissutigineqartut, aningaasaliissutitut killissarititaasuusarmata
kingusinnerusukkullu atugassanngortinneqartussatut aningaasaliissutaasarlutik,
taamaasillutik kingusinnerusukkut sumiiffinnut agguagassanngortarlutik.

Tamanna tunngavigalugu eqikkaallunga apeqqutigineqartoq ima akissavara,
kissaatigineqartutut takussutissamik tamakkiisumik pigisaqartoqanngimmat.
Taarsiullugu aningaasanut inatsisissatut siunnersuutini aningaasanullu inatsisini
sanaartugassat illoqarfinnut agguataakkat takussutissartaannut kiisalu ilassutitut
aningaasaliissutitut siunnersuutini sanaartugassat takussutissartaannut
innersuussissaanga.

Taakku ataatsimut namminersornerullutik oqartussat namminersorlutillu oqartussat
sanaartugassanut aningaasaliissutaat sumiiffinnut agguataakkat pillugit ataatsimut
ersersitsipput, tak. oqaaseqaatit qulaani taaneqartut.

Tamatuma saniatigut sanaartugassanut nassuiaatit ukiumoortut Inatsisartunut agguaanneqartartut innersuussutigisinnaavakka. Suliniutit nutaat, suliniutit ingerlasut aamma suliniutit naammassineqarsimasut unitsiinnarneqarsimasulluunniit sumut killinneri nassuiaatini takuneqarsinnaapput.

2004-mit 2015-ip tungaanut nassuiaatit uani takusinnaavatit: <http://naalakkersuisut.gl/kl-GL/Naalakkersuisut/Naalakkersuisoqarfiiit/Kommuner-Bygder-Yderdistrikter-Infrastruktur-Boliger/Anlaegs-og-Renoveringsfonden> (kalaallisut) imaluunniit <http://naalakkersuisut.gl/da/Naalakkersuisut/Departementer/Kommuner-Bygder-Yderdistrikter-Infrastruktur-Boliger/Anlaegs-og-Renoveringsfonden> (qallunaatut).

Inussiarnersumik inuulluaqqusillunga
Med venlig hilsen

Aqqaluaq B. Egede